

List učenika "Pete osnovne škole"

Sokolovići-Ilidža

April 2023



KRIN



Dragi čitaoci,

*i ovog aprila želimo sa vama stvarati sreću
posebno lijepu i veliku kako to samo djeca
najbolje znaju učiniti, dodirnuti vas
nježnim i iskrenim riječima stvorenim u
čast naše i vaše slavljenice.*

*Stasita ljepotica i sva njena dječica žele
vam ugodno druženje na stranicama
školskog lista "Krin-a".*

Redakcija lista



Dan škole

**Voljeli bismo uvijek
sretnu te vidjeti
i glasovima uljepšati:
Školo, miluješ nas pogledom
kao što majka to čini
mudrostima nas učiš
da porastemo veliki, veći...
Svako slovo, lekcija, broj
ponos su moj!
Budućnost je naša
u tebi stvorena
sretan ti rođendan školo voljena!
*Literarna sekcija***

Tog dana

**Tog dana je svi najviše volimo
jer tada je Dan naše škole.
Oblaci suncu mjesto ustupaju
ni kiše tada ne padaju
Na nebu je tada najviše ptica
a u školi nasmijanih lica
Svi smo tada puni ljubavi i sreće
koju nam niko uzeti neće.**

Amna Curić, IV₂

Redakcija lista: Zorica Đurasović, Alisa Mehmedspahić, Anida Drkić.

Idejno rješenje naslovne strane: Alma Žiga

Dragi učenici, poštovani nastavnici, roditelji i svi prijatelji škole,

da biste mogli oblikovati mlade umove potrebno je veliko srce, a da biste pomogli tim mladim da pronađu svoj dar i da ga poklone drugima potrebno je biti veliki čovjek. Škola je puna takvih ljudi. Svim uposlenicima škole čestitam Dan škole uz želju da stvaraju što bolje uvjete kako bi naši učenici spoznali prave vrijednosti.

Draga djeco, život je pun odluka, donosimo ih svakodnevno. Obrazovanje vam daje moć da procijenite šta su prave vrijednosti, a kada ih znate sve vaše odluke su lahke. Zato, zagrlite vaše roditelje, prigrbite znanje koje vam daju vaši nastavnici, budite hrabri i ustrajni na putu dobra.

Sretan vam Dan škole!

Vaša direktorica

Naš ponos i divljenje – Ismail Barlov

Prepreke često nisu prepreke za koje "golim okom" svako od nas procijeni da nose težinu života. Nisu, bezbroj je primjera za to, bezbroj situacija u kojima za one za koje mislimo da imaju prepreke, shvatimo da je život često prilagođavanje naših pravih vrijednosti. Primjer je i on, naš učenik, naše dijete, naš svijetao put koji je poziv da krenemo, da nikad ne posustanemo, da je ljubav ono što nas treba pokretati. O Ismailu je teško pričati i slušati a ostati ravnodušan. Toliko ljubavi, požrtvovanja, borbe i hrabrosti teško da možete zamisliti u



jednom djetetu. Svaki Ismailov pokret, trud, rad i zalaganje je svima nama zvijezda vodilja za dalje. Ulijeva nam nadu i daje snagu da shvatimo šta je volja za životom. Niže uspjehe, donosi nam medalje, čini ponosim sve nas koji imamo priliku njega poznavati i podučavati. Ismail je dijete o kojem svi vrlo rado govorimo, ponosni što imamo priliku raditi sa njim, slušati njegove priče, uživati u njegovom



osmijehu i biti mu podrška u svakom njegovom narednom koraku. Zaista, svaki njegov korak nama daje snagu da shvatimo koliko su svi ovozemljaski problemi mali, a koliko je jedna volja i želja djeteta velika.

Ohrabrujući pogled, pun ljubavi i topline upućen je svakome od nas.

Vrhunski plivač, odličan učenik. Svako njegovo takmičenje pomno pratimo, navijamo i šaljemo mu pregršt ljubavi i snage. On nas uvijek, ali uvijek obraduje jednom od

medalja.

Često kažemo da je on naš "zlatni dječak". Raditi i živjeti u Ismailovom okruženju, biti dio njegovo odrastanja, čini mi se da je misija svakog profesionalca, učitelja, misija svih onih koji žele biti prepoznati u ovom malom, često okrutnom svijetu. Neka nam Ismail svima bude primjer da prepreke često nisu ispred nas, već u nama i neka nam bude primjer i vodilja kako se boriti i voljeti život. Jer zaista, svaki korak koji napravimo prema djetetu nije samo uspjeh, nego beskrajno zadovoljstvo duše.

Ismaile, ponosni smo na tebe!

Amela Hasanović, učiteljica


Općinska i Kantonalna takmičenja



Općinsko takmičenje iz matematike

IX razred – ekipu takmičara sačinjavali su Nora Bešić, Abdullah Muslić i Ismar Šukurica; ekipni plasman je drugo mjesto.

Učenike je pripremao nastavnik Safet Ljaljić.




VIII razred – Takmičarsku ekipu sačinjavali su: Amina Baždar - 3. mjesto, Nedžla Fazlagić -19. mjesto, Nejra Muratović - 20. mjesto.

Matematičare je pripremala nastavnica Sabina Adilović.



VII razred – Takmičari u ovoj kategoriji bili su: Mirza Šetkić – 5. mjesto, Davud Kalabić – 18. mjesto, Ernad Aljović – 21. mjesto.

Ekipu je pripremala nastavnica Saudina Murtić.



Općinsko takmičenje iz fizike

Na općinskom takmičenju u kategoriji devetih razreda, Abdullah Muslić osvojio je prvo mjesto. Našu školu predstavljala su još dva takmičarke, Nora Bešić zauzela je 13., a Kalić Zerina 23. mjesto.

U kategoriji osmih razreda, Amina Baždar plasirala se na treću poziciju na općinskom takmičenju, Tarik Voloder bio je deseti, a Nidal Trešnjo zauzeo je 13. mjesto. Takmičare je pripremao nastavnik Armin Keško.



Općinsko i Kantonalno takmičenje u odbojci

Djevojčice su osvojile prvo mjesto na općinskom nivou, a na nivou Kantona 4. mjesto. Ekipu su sačinjavale: Poturak Amina, Šahat Berina, Turković Kanita, Kajmović Ema, Lučkin Erna, Milišić Sajra, Hadžović Hena, Adilović Dželila, Kuč Merjem, Totić Azra, Šljivo Emela, Šteta Najla.

Odbojkašice je pripremala nastavnica Amira Kovačević.



Dječaci su osvojili drugo mjesto. Ekipu su sačinjavali: Vahid Omeragić, Ensar Dautović, Eldar Dautović, Ismar Šukurica, Edis Lekić, Harun Kereš, Faris Karup, Dino Jašarević, Eldar Jahić, Muhamed Amish, Edin Feriz, Emir Bajramović, Fuad Hasanović.

Odbojkaše je pripremao nastavnik Sehad Adilović.



Kantonalno takmičenje iz njemačkog jezika

Učenik Hamza Mustajbegović zauzeo je 18. mjesto.

Takmičara je pripremala nastavnica Almira Nuradinović.

Takmičenje iz prve pomoći

Učenice: Sajra Kadrić, Kanita Fazlić, Emina Spahija, Nejra Bihorac, Dženana Koso, Hamza Mustajbegović, Naida Barlov sačinjavale su ekipu naših takmičara. Ostvarili su plasman na šesto mjesto.


Ekipu je pripremala nastavnica Sanela Skender.



Informatika

Na općinskom takmičenju iz informatike, naši takmičari su se plasirali na drugo mjesto, a ekipu su sačinjavali: Abdullah Muslić, Nora Bešić i Mirza Šetkić.

Učenike je pripremala nastavnica Mirela Bilić.



Vjeronauka

Na Kantonalnom takmičenju iz vjeronauke učenica Farah Fazlić plasirala se na petnaesto mjesto. Takmičarku je pripremala nastavnica Sabiha Delić - Ait Idir.



Geografija

Na Kantonalnom takmičenju iz geografije učenica Sajra Milišić plasirala se na 32. mjesto.

Učenicu je pripremao nastavnik Hasan Durgut.



Šah - Kantonalno prvenstvo osnovnih škola KS

U dobnoj skupini učenika prvog do trećeg razreda, Fejzić Ahmed je zuzeo 4. poziciju, Rastoder Ali bio je šesti, a Čubro Benjamin trinaesti. Nešto stariji šahisti u kategoriji učenika četvrtih do šestih razreda ostvarili su odlične rezultate zauzevši prva tri mjesta: Fejzić Imran bio je prvi, Mučić Ahmed drugi a Bajrami Adian treći. Jedina naša predstavnica na Kantonalnom prvenstvu, učenica šestog razreda, Veselji Merisa u konačnom poretku bila je prvoplasirana. Učenike je pripremao nastavnik Sulejman Hasić.



**SVIM TAKMIČARIMA I NASTAVNICIMA ISKRENO
ČESTITAMO NA OSTVARENIM REZULTATIMA!**


Kako se crta mama

Mama se crta najljepšim bojma
koje imaš u svojoj pernici.
Mama se crta kao najslađa
kocka šećera u šećernici.

Mama se crta nježno i lijepo,
kao leptirić i kao cvijet.

Mama se crta kao zvjezdica
i kao najdraža ocjena pet.

Radušić Đula, IV₂



Bosnia and Herzegovina

Bosna

Da li znate da postoji jedna zemlja,
zemlja snova, dobrih ljudi, bistrih
rijeka i planina?!

Čarobna je zemlja to,
do neba je volimo.

Bosnu vole i školjkice, sve ptice i
ribice.

Djeca Bosnu vole najviše,
Bosna je živjela, živi i živjet će!

Hümeýra Polar, IV₂

Moj ponos

**Domovina moja je najbolja,
a ona se zove Bosna i Hercegovina.
Puna je topline i dobrih ljudi,
Mnoge uspomene ona u nama budi.**

**Teških godina i ona je imala,
ali uvijek je ostajala ponosna i prkosna.
Prirodnim ljepotama bogato nas hrani,
svaki njen uzdah opčinjava nas s mnogo
čari.**

Anida Drkić, VI₁



Koja li je to mamina sreća?

Imam samo jednu misao

šta je za mamu najveća sreća na svijetu?

**Mama mi uvijek kaže: "Ljubavi mamina",
ja jesam ljubav, ali nisam sreća.**

**Mama mi uvijek kaže: "Ponos mamin",
ja jesam ponos, ali nisam sreća.**

**Mama mi uvijek kaže: "Podrška moja",
ja jesam podrška, ali nisam sreća.**

**Mama mi uvijek kaže: "Srećo moja",
zamislim se i razmišljam...**

**Je li to znači da sam ja možda
ribica zlatna koja pliva u moru**

**ili možda znači da sam ja princeza u maminoj bajci
sreće?**

**Tada shvatim da sam ja mamina najveća sreća
i ponos na svijetu.**

Alima Omerbegović, VI₁





Učiteljica mojih snova

**Kad sam bila mala,
sanjala sam učiteljicu,
hrabru, vedru i nasmijanu.**

**Kad nas vidi ona raširi ruke...
Pogled njen prati nam u oku sjaj,
Pobjegle bi sve brige, kad bi otvorila knjige.**

**Bila bi neko veoma važan
u mom srcu.**

**Bila bi snažni temelj
u mom znanju.**

**Bila bi radost i osmijeh
u mojoj glavi.**

**To je moja učiteljica iz snova,
a sad i na javi
hrabra, snažna i dobra.**

Sretan dan učitelja!

Emina Muslić, VI₃



Maslačak

**Pored moje ulice,
na zelenoj travi,
suncu se šepuri
maslačak mali.**

**Kad ljudi prođu,
uljepšava im put
taj maleni lijepi
maslačak žut.**

**Dok stoji kraj puta
i lijepo se žuti,
miris pruža svuda
niko se ne ljuti.**

Ahmed Mučić, VI₂

Proljeće

**Treba se probuditi kao
cvijeće u proljeće.**

**S pogledom prema plavom nebu
i osmijehom punim nade.**

**Ljubav je je jedan rijedak cvijet,
koji ne niče na velikim cestama.**

**U proljeće rano kad se priroda
budi,
i zbog tog dana sretni su ljudi,
i kad sunce obasja,
ta zima je sve tiša i tiša,
i te bijele šume
postaju zelene.**

**I da me neko pita:
“Voliš li što proljeće sja?”
Lahko bi mu rekla: “DA!”**

Džana Kahrman, VI₂





Bosna

Bosna je zemlja
u kojoj živim.
Bosna je zemlja,
kojoj se divim.

Ona je prkosna i mila,
nježna je kao svila.

Bosna je u bašti
najljepši cvijet,
ona je za mene
cijeli svijet!

Ahmed Bijelonja, VI₃



Prijateljstvo

Prijatelja pravog nije lahko naći,
poznatika je puno,
pa se trebaš snaći.
Budi vrijedan, pošten i pomaži svima,
naći će te onaj koji istu vrlinu ima.

Kada ga nađeš,
sačuvati ga treba,
jer je to blago za sva vremena.

Esmā Brutus, III₃



